

7

Si n'andede la statina
 E riturnò lu veranu,
 Criscia la scuntintina
 Or, quandu ripiglieranu ?
Muraccioli un n'ha diccina
 Tinendù u denaru in manu !
 Infine, lu cinque jugnu
 L'impresariu disse : junghju !

8

Ghjunse cu l'incatramati
 Passati a le sette fiare,
 Longhi, diritti e inturchjati
 Sbarcati dall'altu mare !
 Li tjò funu sallati
 Cu piombu a lu cannellare
 Li piumberi curtinesi
 So spicci più ca i Francesi.

9

Muracciaschi, siate fieri,
 Di lu vostru monumentu,
 Lu cappellu e li quatreri
 Un li parerà lu ventu !
 Li taglionu l'uvrieri
 Di granitu sodu e quentu
 Sarà un *monumentu eternu*,
 Passerà più d'un imbernu !

10

Senza vile imbufferia
 E inutili cumplimentu,
 Ringraziemu a qualchisia
 Si nò un ne simu scuntenti !
 La critica e ghjelusia
 Un sende cu li parenti :
 Ringraziemu, prima, ci' ôle,
 A *Ghjacumu Muracciole* !

11

Ghjacumu cu **Raffaellu**
Luisi, lu nostru Merre,
 Cu la penna e lu pinnella
 Ruminonu celi e terre.
 Picchjonu a pôrt'e purtellu
 Fecenu le finte guerre :
 Senza l'ômi d'aspra cugna
 Un s'acquista manc'un'ugna !

12

In Corsica, la sapete,
 Un s'innôva mai tal cosa ;
Ci hannu impostu le manette
Di la Pulitica strosa !
 S'ell'un falanu saette
 Tuttu viagghja a la ritrosa !
 Di fà opera chi dura
 Or qual si ne piglia cura ?

13

Giratè puru i paesi,
 Li vicini e li luntani,
 Quantu l'annu spunta mesi
 Tiranu disegni e piani !
 Ma, mancanu d'ômi intesi
 Li risultati so vani !
 Ne funtane, ne stradone,
Bevute e tribulazione !

14

Eranu più di mill'anni
 Chi le nostre zitелlette,
 Le donne, cu tant'affanni,
 Carche di secchje e cerette
 Ammugliendu ped'e e panni
 Cullavanu per se strette :
 Da e funtane, man'e sera
 Tinianu la trascinera !